

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXIV. ad annum CCCXLVI.

Parisiis, 1644

XXXVI. Non licere clericos magos vel incantatores esse, aut phylacteria facere.

urn:nbn:de:hbz:466:1-15072

^{ANNO CHRISTI} clericos quoslibet , aut continentes se , aut omnem omnino Christianum , cum mulieribus lauacra habere communia . Hæc est enim prima apud gentiles reprehensio .

XXXI.

Quoniam non oportet cum omnibus hæreticis miscere connubia , & vel filios vel filias dare , sed potius accipere ; si tamen profiteantur , Christianos se futuros esse Catholicos .

XXXII.

Non oportet hæreticorum benedictiones accipere , quoniam istæ maledictiones magis sunt , quam benedictiones .

XXXIII.

Non oportet cum hæreticis vel schismaticis orare .

XXXIV.

Non oportet Christianum derelictis martyribus Christi , abire ad falsos martyres . Hi enim alieni a Deo sunt . Quicumque autem abire voluerint , anathema sint .

XXXV.

Non oportet Christianos derelicta Ecclesia Dei abire , & angelos idolatriæ abominandæ congregations facere ; quæ omnia interdicta sunt . Quicumque autem inuentus fuerit occulte huic idolatriæ vacans , anathema sit : quoniam derelinquens Dominum nostrum Iesum Christum filium Dei , accessit ad idola .

XXXVI.

Quoniam non oportet ministros altaris aut cle-

Concil. Tom. 2.

P ij

ANNO CHRISTI
ricos magos & incantatores esse , aut facere quæ dicuntur phylacteria , quæ sunt magna obligamenta animarum : hos autem , qui talibus rebus v-tuntur , proiici ab Ecclesia iussimus.

X X X V I I .

Non oportet a Iudæis vel hæreticis feriatica , quæ mittuntur , accipere , nec cum eis dies agere festos.

X X X V I I I .

Non oportet a Iudæis azyma accipere , aut communicare impietatis eorum.

X X X V I X .

Non oportet cum paganis festa celebrare , & impietatis eorum habere societatem.

X L .

Non oportet vocatos Episcopos ad Synodum contemnere , sed abire debere , & aut docere , aut doceri quæ sunt ad Ecclesiæ ceterorumque correctionem . Quod si contempserit , seipsum videbitur accusasse : nisi forte per infirmitatem ire non possit.

X L I .

Non oportet ministrum altaris , vel etiam laicum ^{ne} Canonicis literis , id est , formata , aliquo proficiisci.

X L I I .

Non oportet ministrum altaris vel quemlibet clericum præter iussionem Episcopi ad peregrina proficiisci.

X L I I I .

Non oportet ministros vel breui tempore ab ostiis deesse , & orationi vacare.